

Cum enim propter admirabilem animæ **cuin numeris cognationem** numerosa facilius arripiantur, seruit illa sic propagationi doctrinæ, includens dulcissimos Psalmos & alias religiōis nostræ partes, numeris, & addens harmoniā conuenientem, quò altius illæ animos hominum penetrent, & tenacius infigantur. Hinc existimо factum, ut sancti patres semper sacris ritibus adhibuerint Musicā, & Prophetæ oracula diuinitus tradita, cantu, & numeris compræhenderint, sicut hoc multi dulcissimi psalmi testantur, quos diuinus ille Musicus David Cythara lusit. Non enim memoria tantum iuuatur Musica, sed eius præcipua quædam, & admirabilis uis est in ciendis affectibus, ut animi hominum tranquilli redditi, tandem consideratione eius rei occupentur, quam musica proponit.

Et quantum alioquin hęc ars ualeat, ad mouendos animos hominū, ante oculos intercę manus est. Fingitur Orpheus catus suauitate traxisse arbores & saxa, quo figura quid aliud uoluerunt significare homines sapientes, quam animos barbaros & agrestes reddi Musica mansuetiores, & humaniores: & tristes & curis occupatos, tranquillos & hilares?

Sic fortissimus ille Græcorum Achilles dicitur cantu Cytharæ letiſſe ægritudinem animi, quam acceperat ex consideratione leuitatis, & stoliditatis Agamemnonis eripientis ipsi suam Bryseida. In sacris literis etiam malus spiritus dicitur recessisse à Saule, quotiescumq; David Cythara luserit.

Et in uniuersum Musica honestum quoddam **θελητικόν** est, quo animi segnes, tristes & prostrati, animentur quasi, reficiantur, & attollantur, & rursus exultantes conueniente harmonia reuocentur & retineantur intra septa iustæ moderationis, aut etiam ad dolorem & commiserationem quandam flectantur.

Cum